

COLOVINYL
MOSAICO di PLASTIC

Practico y moderno!!
Un bonita vloer pa cu-
shina, pasillo y baño.



FABRIKAAT
LINOLEUM KROMMENIE
MESKER - ARUBA N.V.
TEL. 1325

ARUBA ANSE COURANT



Diario pa



Aruba

KING SIZE COCA-COLA
MORE FOR YOU!

NOW!!

AIRCONDITIONING
FOR
COOLNESS

Tel. 2170



ANJA 23

DIAMARS 4 SEPTEMBER 1962

No. 4430

Temblor terrible na Persia a sigui cu mes furor

*E desastre ta calcula te ainda pa mas
di binti mil morto y heridonan*

TEHERAN, 4 sept. — Ajera nan a participa na Tehe-
ran oficialmente cu mas di mil persona a muri den nan
sanja ora cu nan a warda sarprende pa un terrible temblor,
esun di mas fuerte cu nunca a azota Persia. Segun calcu-
lanan na oficial e cantidad di morto ta mas di cuater mil.
E sagudimentu mas fuerte tabata ayera nashi den cum-
samenta di anochi. E temblornan a sigui henter anochi.

Segun e prome noticianan tin pueblon-
nan completo cu a worde quita for di
riba terra. E epicentro di e temblor ta-
bata mas o menos 160 kilometer for di
e capital Teheran. E territorio mas prin-
cipal di e catastrofe ta cubri un trian-
gulo di 21.000 kilometer cuadra, cu ta
entre e ciudadnan Ghazvin, Saveh y
Hamadan.

Solamente setenta di mas cu mil ha-
bitante di un pueblo den cercania di
Ghazvin a worde saca bibu for di bou
di e restanan.

Na Teheran mes cas y edificionan a
worde destrui. Algun habitante di e
ciudad a worde herida.

Algun ciudad na mas o menos cin-
cuenta kilometer for di Teheran a sufi-
danjo.

Ehercito ta yuda cu e trabonan di
rescate. Nan a manda remedi, provi-
sion, tent y dekennan na e territorio di
e desastre. Tambe ambulancianan cu
dokternan a sali pa e lugar di e-cata-
strofe. Nan ta haciendone preparatibon
pa tira provisionnan riba pueblonan cu
ta situa hopi leu.

No tin trein ta sali mas pa e lugarnan
azota ya cu mester investiga prome cu
e rieltan tur ta bon ainda.

Testigunan ocular a declara cu nu-
bianan di stof ta cologa riba henter e
lugar di e desastre. Sobrevivientenan
cu awa na wowo ta yuda busca entre e
restanan na demas sobreviviente. Tambe
nan ta busca entre e morio, cu ta na
carreda, si no tin famia di nan.

Radio Teheran a anuncia ayera tardi
laat cu solamente den e pueblo Daresfa-
han tres mil hende a muri a causa di
e temblor.

**Diasabra ya tabatin
4500 morto**

Solamente den bos pueblo ya tin
4500 morto causa door di e temblor cu
tabatin den anochi di diasabra pa diado-
mingo na Persia. E dos pueblonan
azota ta Daresfahan na mas o menos

160 kilometer di Teheran, unda tres mil
hende a muri y Avaj, unda 1500 hende
a muri.

Gruponan di rescate, dokternan y mi-
litanan ta tratando pa alcanza e pue-
blonan azota cu ta situa leu den cerru-
nan.

Premier Assadollah Alam di Persia
a bisa cu ta un desastre nacional. Un
hende cu a mira a bisa cu henter e ter-
ritorio ta den miseria. Miles di hende ta
drumi riba laken y ta wardando yudan-
za. Nan no tin nada mas. Trucknan y
busnan cu herido ta sigui drenta Tehe-
ran.

Gobierno a indica algun hospital un-
da nan lo haya yudanza. Nan ta calcula
cu e cantidad di morto lo aumenta.

Premier Assadollah Alam, kende a
bai na e territorio di e catastrofe, acom-
panja di e minister di salubridad pu-
blico, a declara cu algun persona heri-

Ultimo novedadnan di Nieuw Guinea

DEN HAAG, 4 sept. — E
voorlapig verslag tacante e
projecto di ley pa aproba-
cion di e acuerdo cu a war-
de firma dia 15 di augustus
entre Reina Hulandes y Re-
publica Indones tacante Nw.
Guinea Occidental a sali
ayera tardi.

E rapport ta cuminsa cu bisa cu
na investigacion di e proyecto di ley
door di e departamentonan di Tweede
Kamer a resulta cu mayoria di e
miembronan, aunque ta pa diferente
motibu, lo duna nan cooperacion na
aprobacion di e acuerdo firma cu In-
donesia.

**Comite pa libertad
di Papoea**

Un miembro di e consejo di Nieuw
Guinea, Nico Tangghama y e presi-

da a muri anochi di e heridonan cu nan
a sufi.

Ajera mainta avionnan a bolbe sali
pa benta remedi y otro cosnan di nece-
sidad riba e pueblonan den cerru. Gru-
ponan di rescate ta bai hasta cu yudan-
za di mula na e lugar azota.

**Cruz Roja ta partici-
pa temblor nobo**

Cruz Roja di Persia a anuncia cu
ajera tabatin un temblor nobo na Ha-
madan, mas o menos 400 kilometer
West di Teheran. Ainda e volumen di
e temblor nobo no ta conoci.

**Cruz Roja di Hulanda
ta yuda Persia**

Awe mainta nan ta manda e prome
envio di articulonnan, cu Cruz Roja di
Hulanda a prepara pa yudanza na vic-
timanan na e temblor na Persia. KLM
ta transporta e articulonnan gratis. E
prome envio ta consisti di 500 set di
plasma di sanger, cincuenta tent pa 400
persona, panja pa 500 mucha, 1000 ble-
ki di techi y miles di pida habon. E to-
tal tin un balor di 35.000 florin.

dent di e partido nacional. Herman
Wajoi, a lanta na Hollandia un comite
nacional. E comite aqui tin como in-
tencion pa sigui haci esfuersonan pa
libertad di Papoeanan y traha na nan
interes.

Den e comite aqui probablemente
lo worde adopta tambe e comite cu ya
ta existi "Frontera pa Nacional Pa-
poea".

**F A T U M—Tel.: 1845
pa tur bo aseguronan**

E comite nobo quier organisa mas
pronto posibel na Hollandia un con-
greso nacional. Nan lo invita eieq Pa-
poea cu lo representa tur gremio di
poblacion pa asisti na e congreso ey.
E comite ta spera di haya placa cerca
particularnan pa cubri su gastunan

Sentimentu di Casa Real

Su Mahestad Reina Juliana a manda
un telegrama pa Shah di Persia en con-
exion cu e desastre causa na e pais door
di e temblor cu a azota e pais. Asina
servicio informativo di reino a partici-
pa. Ademá Su Mahestad a pone un
suma disponible como contribucion na
e prome necesidadnan.

Ultimo noticia

Premier Assadollah Alam di Persia
a participa dialuna anochi cu funciona-
rionan di gobierno den e territorio cu
a ser azota pa temblor. ta calcula e
numero di victimanan riba mas di binti
mil.

AMENAZA DI HEFE DI ESTADO

PNOM-PENH, 4 sept. — Prins No-
rodom Sihanouk, e hefe di estado di
Cambodja, a amenaza cu e la pidi Chi-
na comunista pa manda trupanan pa
Cambodja pa evita agresion si ningun
otro hende no quier garantiza fronte-
ranan di Cambodja.

E prins a declara cu e contestanan
cu el a ricibi di president Kennedy y
premier MacMillan riba su peicion
por escrito pa garantia internacional
na fronteranan di Cambodja, no ta su-
ficiente.

Reconocimientu di nos neutralidad
e inviolabilidad no ta suficiente, asina
prins Sihanouk a bisa. el a bisa ade-
mas cu e no quier dirigi su mes cerca
Nacionnan Uni, pasobra e ora ey lo
e mester warda mucho tempo.

Finalmente el a declara cu e lo pro-
pone Inglaterra y Rusia pa manda re-
presentantenan den forma di un comi-
sion di control, cu lo mester worde
staciona den e territorionan unda di-
ficultadnan ta presenta. Segun e prins
actual comision di control imposi-
blemente por tene Thailandia bao di control.

ORO MERICANO Y DOLLAR

WASHINGTON, 4 sept. — Segun
fuentenan bon informa den e capital
Mericano lo ta probable den curso di
e reunion di gobernadornan di e fondo
monetario internacional y di banco
mundial, cu nan lo tene for di 17 se-
ptember na Washington, lo presenta di-
ficultadnan entre Inglaterra y Merca.
Den curso di e reunion Kennedy lo
hiba palabra pa bolbe ripiti cu Merca
no tin intencion di devaluá dollar.

Esaki lo ta prome biaha cu un
president di Merca lo tene un discursu
importante durante reunion anual
di gobernadornan, for di cual ta resul-
ta claramente, cu Merca ta decidido
pa no laga ningun oportunidad pasa
pa ninga e rumornan cu ta bolbe cada
biaha tocante dollar.

Ainda tin tiramento continuo na Argelia

ARGEL, 4 sept. — Den
Kasbah di Argel tabatin ti-
ramento entre simpatizad-
nan di Ben Bella y soldanan
di e di cuater distrito mili-
tar. Tambe den e barria
Bab El Oued y otro partinan
di e ciudad tabatin tiramen-
tu.

Mahometanan a forma grupo na
diferente partinan y nan a grita "she-
te di anya ta mas cu basta".

E gobierno municipal a proclama un
prohibicion a sali despues di ochor
di anochi.

Parce cu e tiroteo a costa bida di
dos persona, un di nan ta un mucha
di dies anja y diferente hende a que-
da herida. Simpatizadnan di Ben
Bella a duna un comunicado, den
cual nan a bisa, cu soldanan di e di
cuater distrito militar a benta hand-
granaat den un grupo di hendenan
muhe y mucha. Nan ta exige pa e mi-
litanan di e distrito ey bandona e
kasbah masha lihe.

E prohibicion pa sali anochi a wor-



Bengt Johan Cullberg na Suecia a proyecta un model nobo
di aparato di television, cu ta pas precisamente den huki
di un cuarto. Ta un aparato artisticamente traha, un adon-
no masha bunita pa cada cas. Su prijs ta mas o menos
1200 florin.

E entreganan Ruso na Cuba

MOSCU, 4 sept. — Union
Sovietica a priminti, durante
comersacion cu e lider di
e delegacion cubano, Ernes-
ta Che Guevarra, cu ta ha-
cienda un bishita na Rusia,
pa duna Cuba arma.

Diplomaticonan di occidente ta bisa
cu e declaracion aqui por probable-
mente confirmacion di hechonan
consumi. Ya mas di binti bapor Ruso
a yega Cuba. Tambe tabatin rumor-
nan, cu for di otro botonan personal
Ruso a baha na Cuba.

Isidore Borja, lider di un grupo di
Cubanan cu sima pa tira riba
un hotel na Havana, a exige ayera
cu e exiladonan Cubano na Merca ta
haya mesun yudanza cu Rusia ta duna
na Castro.

Pero Borja tabata di opinion, cu e
regimen di Castro por worde tumba
siq intervencion directa di Merca.

Den circulan politico na Washing-
ton nan a muestra, cu e acuerdo entre
Rusia y Cuba lo no trece ningun cam-
bio den punto oficial di Merca.

Manera ta conoci president Kennedy

a bisa diarason na su conferencia se-
manal di prensa, cu lo ta inhueto si
Mericanonan mester invadi Cuba.

Segun e ultimo calculacion di depa-
rtamento di estado tin actualmente mas
o menos cuater Ruso na Cuba.

Pero no ta trata di unidadien di
combate. Aparentemente e Rusonan
a entrega Cuba raketonan pa defensa
aerea.

BRINGAMENTU NA LONDEN

LONDEN, 4 sept. — Den e ciudad
pega cu London Dalsion tabata un
bringamentu entre e poblacion y hen-
denan, cu segun nan ta bisa ta mien-
bro di e partido nazi Ingles, un di e
tres partidonan di extremo derecho, cu
antiayera a reuni.

E hombernan a bati otro y a pone
nan cabez na sanger y e miembronan
di e partido despues di un correntu
basta serio door di e ciudad a worde
encerra.

Djes despues tabatin bringamentu
den otro parti di e ciudad, unda e mo-
vimentu di Mosley tabata reuni.

Despues cu e fascista aqui a worde
hibu su auto acompaña pa polis nan
a trata toch na bente cu webu puntri
y piedra.

Despues e partido nacional Ingles
a sigui cu su reunion na Dalsion bao
di vigilancia fuerte di polis.

Algun miembronan di e partido ta-
bata na pia y riba cabai na gran esca-
la pa evita un repeticion di loque a
pasa mas tempran.

DIRECTIVA NOBO DI Y.W.A.

SAN NICOLAS, 4 sept. — Young Wo-
men Activity Club na San Nicolas a
eligi un directiva nobo. E ta consisti di
presidenta sra. B. Wilson, vice-presiden-
ta sra. H. Leerdam, secretaria sra. L.
Hodge, tesorera sra. L. Whiteman, y
hugo sra. L. Pietersz cu a baha como
presidenta.

A INSTALA KEY-WOMEN SOCIETY

ORANJESTAD, 4 september — E
organizacion internacional femenil no-
eclesial, conoci bao di nomber Key-
Women Society a ser instala oficialmen-
te na Aruba, asina „The Local” ta sabi
di informa.

Presidenta di e seccion arubano sra.
Vera Woods a declara cu e institucion
aqui, aunque cu e ta basa riba prin-
cipleonan cristian, no ta marra na ningun
iglesia of gremio eclesial. Obheto
di e organizacion ta pa concede ayudo na
hendenan den necesidad, pero principal-
mente muhe y mucha muheran cu ta
hanja nan den dificultadnan.

Actualmente e ayudo aqui ta dirigi
te avor solamente riba poblacion di San
Nicolas. Den e directiva cu excepcion
di Sra. Woods ta ocupa puesto tambe
vice-presidenta Elaine May, secretaria
sra. Teresia Brown, 2a secretaria Sra.
Bell y tesorera sra. Pearl Solomon.

SOPRANO HULANDES TA BINI ARUBA

ORANJESTAD, 4 september — E
conocido soprano hulanés sra. Gre van
Swol-Brouwenstijn, quende na fin di
augustus a presenta den opera na Bue-
nos Aires, lo bin duna un recital na
Aruba prome cu e regresa Hulanda tro-
be medio november di su torneo ame-
ricano. Sra. Brouwenstijn ta un dije me-
hor cantantenan femenina hulanés.

Rudy Plaate ta bin actua na Aruba

ORANJESTAD — Diabierna awor lo
jega nos isla for di Corsow e cantante
y compositor Rudy Plaate pa duna al-
gun presentacion hinu cu e grupo co-
mico di nos isla Los Wois Wois den e
show titula Mata Dale.

Rudy Plaate lo actua e mesun anochi
di su jega den Club Paradera, si-
guiente anochi na Noord bao di ovor-
dekte speelsplains y diadomingo na Sta.
Cruz den Trappers Clubhuis.

Na Corsow Rudy Plaate ta goza di
gran popularidad pa su cancionnan, en-
tre otro e ultimo hit „Sombra di Amor”.
Na su debido tempo nos ta spera di
bolbe cu mas noticia di su actuacion
na Aruba.

CONFERENCIA NA PUERTO RICO

President Kennedy a participa, cu di
diez te diezdos di october nan lo tene
na Puerto Rico un conferencia interna-
cional cu lo trata di e papel cu ex-
periencia por tin den un adelanto econo-
mico rapido di e paisnan cu ta den
desarrollo.

Cuarenta pais a worde invita pa e
conferencia aqui, cu ta bao di auspicio
di Merca.



Esquinan ta e ex-capitanan frances Soustre (r.) y Curu-
chet (dr.) cu tabata ser sospecha di a tuma parti den e ul-
timo salto riba general De Gaulle. Un di nan a huur un
auto di carga bao di nomber di Jean Francois Murat na
un garage na Joigny. E auto aqui a ser usa na e asalto.



Na e luga na Belgica cu jama Diksmuide di 35 peregrinacion a ser teni na honor di e victimanan mortal foi prome guerra mundial. Na e portret ariba nos ta mira un bista dje solemnidad rond dje monumento dje victimanan. Na e portret abao nos ta mira e gran catedralico prof. P. Geyl durante su discurso na e manifestacion aqui.



Estimada Rosemarie,

Cu hopi saludos pa Rosemarie, mi ta bin pidi un solucion pa mi problema. Masha danki!

Rosemarie, mi ta bida na un lugarnada mi no tin hopi bisinja, pero mi ta bida bon. Mi no tin nada di queja. Semper hende bieuw sa bisar: "Un bon bisinja ta mas cu bo famia". Pesey mi kier trata tur mi bisinjanan bon. Pero tin un bisinja, cu ta irita mi masha hopi mes.

Mi mester bisa bon ela, cu ami no sa mire na su cas, mi no tin tempo pa haci esey, semper mi ta ocupa sea cu mi trabao of cu mi yunan.

Pero sin embargo e bisinja ey sabi tur cos, cu ta sosode den mi cas. E sibi kende ta bin mi cas, ki ora nan ta bin y ki ora nan ta bai. Ki ora mi casa ta sali y drenta, hasta e ta interesa ki warda (shift) mi casa ta traha. Ki panja mi ta bisti y laga di bisti.... Ora cu e bin mi cas, su mes boca ta slip y e ta bisa mi e "opmerkingen" nan ey. Mi no

por yuda. Rosemarie, pero si ta pa mi, mi no kier pa e hendenan ey bin mi cas. Mi no por saca nan yowa y mi no por stop ni soporta e vigilancia aki mas. Hasta ora mi bisti short, e hember tin di haci un opmerking fastioso. Mi no por dunela contesta, pasobra ta malo mi mester papia cu ne. Mi no por yuda cu mi ta sinti mi mes joven y moderno. Rosemarie, por favor, duna mi un contesta y un yudanza. Saludos di

"Bo vigilancia secreto"

"Pa vigilancia secreto".

Mi amig, pletu cu bisinjanan ta un cos masha fastioso, e ta haci bo bida dificil y ta causa cu frankkildad den bo cas. Pero — mi no sa si bo ta haci esey, ta solamente un ejemplo mi ta duna bo — bo no mester cera masha tampoco en NINGUN bisinja.

Semper cuminda nan carinoso pero evita tur sortu di amistad. Nada di drenta sali cerca otro, ni di duna otro mucho confianza. Si abo evita esey tanto cu lo por, potiser nan tambe comprende cu nan no por drenta-sali bo cas cu frecuencia. Ora nan haci cuallier di e observacionnan fastioso y nonsens asina, no muestra cu bo a rabia, no contesta arbia. Of si bo bisa algo, anto solamente: "Nos cada un ta pensa diferente riba asuntunan di bida, di bistiemento etc. Melior cada cual respecta opinion di otro, esey ta evita tur sortu di observacion." Si bo bisa esaki of cosnan similar sin rabia, sin hari tampoco, poco-poco e bisinja (pa hobo cu nan por ta) lo bin comprende cu nan ta mind bo business, y esey no ta nan asunto at all.

Loke tambe mi kier bisa bo ta, mi amig: si abo ta bida un bida decente

y bon, si bo no ta haci nada malo of nada cu por tira un mancha riba bo dignidad di muer casa, kiko bo tin enies maske nan para wak bo cas di dia y anochi? Si nan no tin otro trabao pa traha y si nan kier tuma "vigilancia di bo cas" pa nan job principal..... hari den bo mes y no worry!

Bo yunan, bo trabao di cas esey ta yena bo dianan. Bo comportacion di hende moderno y joven, bo bistiemento tur esey ta BO ASUNTO, no di min. Pesey haci manera cu bo no sa mes cu nan ta wak bo. Trata di lubida cu nan ta existi y lo bo no shufi bo asina fastioso.

Rosemarie.

Respetable Rosemarie,

Mi ta un muchu humber di 24 aña y mi ta namora di un muchu muher di 21 aña, cu ta bida na Corsow. Mi mayornan a hinca den nan cabes cu mi mester casa cu un muchu muher di Aruba pasobra semper e muchu muher ey y ami tabata bon amigo cu otro, for di tempo cu nos tabata bai scol. Semper nos tabata bini fiesta y bolia huntu. Rosemarie, pero nunca no tabatin nada entre ami y e senjorita ey.

Nunca mi no a papia euenta di amor cunele, mi por a demostré poco cariño y na fiesta mi sa tene su man y bisele cu e ta bunita. Pero Rosemarie, si e muchu muher ey ta kere cu mi ta simlele y cu awor mi a tracione esey ta su idea, pero no ta mi culpa. Mi mayornan ta haci un babel di otro mundo den cas ora mi papia di e muchu muher cu berdaderamente mi ta gusta y stima, esun di Corsow. Nan ta muestra mi cu e muchu muher aki tur semper

a stima mi, a spera dia nos bira grandi pa nos casa. Nan ta bisa cu e muchu muher di Corsow a bini mi cabes, pero cu ta esaki ta esun cu ta bai haci mi feliz. Rosemarie, mi ta pidi bo un consejo con mi mester trata di splica mi mayornan e asunto aki bon y kiko mi mester bisa esun di Aruba, cu ta kere cu mi a tracione. Mi ta pensa di casa mi dia, pero en e persona cu mi ta stima. Probablemente ta esun Curazolenia, pero sigur na ta esun di aki, como cu mi no ta simlele.

"Aruba-Corsow"

"Aruba-Corsow"

Mi amig, bo situacion ta un poco tumbale, pero mi mester duna bo tur razon. Bo por casa solamente cu e muchu muher cu abo ta stima, sea cu e ta di Corsow, di China of di Aruba. Amor — danki Dios — no conoce limite en cuanto nacionalidad.

Bueno, awor den serio: bo no tin nada di verwiit bo mes. Bo no a gana e muchu muher di aki, nunca bo no a papia di amor of casamento cunele, bo no a hanga cu su amor. Talvez e si ta stima bo, esey ta duele p'e, pero abo no por casa cu un hende pasobra bo tin duele di dje. Amor y casamento, mi amig, no ta un institucion di charly! Bo ta casa ora bo ta stima. Bida bo mayornan, cu den asunto di amor y casamento ta bo so por dicili y cu bo no tin ningun obligacion pa casa cu ulugan hende. Splica e "amiga di Aruba", cu bo ta apree'e, pero cu bo ta spera lo e casa despues cu un hende cu ta simlele manera e merece, bo no por haci na hende feliz, si bo no ta simlele.

Rosemarie.

E Monumento pa defunto JUANCHO YRAUSQUIN ta un simbolo di nos gratitud.
Demuestra bo gratitud cu hechos! Deposita awe mes bo contribucion na un dje banconan local of inseribi ariba e listanan di colect.
"Stichting Monument Juancho Yrausquin"

CAMPESINONAN NA PARAMARIBO TA HUELGA

PARAMARIBO, 4 sept. — E huelga cu e federacion Surinam di campesino a organisa a resulta un exito rotundo. Asina e president di e comite di huelga ta ofina. E federacion di campesinonan a organisa un huelga di un dia pa protesta contra medidanan di gobierno riba terreno di keurmento di produccion agriculura y e prijsnan di compra.

Na merendonan di Paramaribo tabata quietu. E campesinonan no y trece nada na marchu y plaza diabinas mientras cu central di lechi mester a quedá completamente sin por a yuda su clientenan. E huelga tabatin un curso masha ordena y no tabatin ningun incidente. Riba e ultimo reunion di e federacion di campesinonan nan a dicidi tambe pa pidi gobierno na tuma medidanan en concecion cu actividad di "nozemmen" na marchu central. Si polis no tin suficiente hende, usina e peijon ta bisa, nan ta pidi pa laga polis militar intermedia.

Directiva di e federacion di campesino a duna un participacion den cual nan ta bisa cu si gobierno no aumenta e prijs di compra pa lechi, anto nan lo organisa un huelga di mas duracion.

PRUEBA NUCLEAR DI RUSIA

WASHINGTON, 4 sept. — Ayera mainta tempran Rusia a haci un prueba nuclear den atmosfera den cercania di Nova Zembla.

E explosion tabata di forza mediano, asina e comision mericano pa energia atomica a participa.

E refrescoon di mas sabroso..... regalando glasnan di mas bunita! Spaar bo "tapanan" y aumenta balar di bo coleccion cu glasnan di NESBITT'S, CHERRY, COCO-RICO y PINE-APPLE.

DR. SOBLEN A HANJA CASTIGO PERPETUA

LONDEN, 4 sept. — Na nomber di dr. Soblen, quende na Merea a word castiga na castigo perpetuo den prison pa motibu di espionaje, nan a entrega ayera serea e minister Ingles di Interior un peticion di dr. Soblen pa hala e decision pa deporte, aden.

Si e minister rechaza e peticion aqui anto nan por saca Soblen for di Inglatera cu cualquier medio cu gobierno Ingles india.

PROTESTA PORTUGUES

LISABON, 4 sept. — Gobierno di Portugal a duna su delegado na Leopoldstad orden pa protesta fuertemente contra e decision di e gobierno central di Kongo pa permiti un base pa instruccion di terroristanan cu tin intencion di ataca e territorio fronteriza di Angola, riba su terreno.

E ministre potugues di exterior, a declarar, cu gobierno kongoles: voia doctrina di Nacionnan Uni door di permit e base ey.

NAN A MATA HOPI HENDE

Pa di dos biaha den un siman di tempu miembronan di e tribu Merille di Etiopia a comete un matanza entre poblacion di un puebleto na e tribu Turkana, den parti noord di Kenya.

32 hende, entre cual muhe y muchu, a worde mata.

Siman pasa e tribu di Merille a mata 16 hende den un otro pueblo di e tribu di Turkana. Ladronicia di ganado ta e motibu den tur dos e casonan.

YABI

o bo exit!

Avisa den
Arubaanse
resultado!!
COURANT
y compara e

BARATILLO COLOSAL NA PANAMA STORE

Stock completa di mercancia nobu ta bai na prijsnan rebaja bao di costo! Algun ejemplo:

Bistir pa damas di Miami (TRES) pa f. 10
Sombra f. 8.85 (TRES) pa f. 2.50
Carson pa solament f. 8.25
Carson pa hombra, Dacron, Orion Wash f. 5.75
Tela americano for di f. 0.35 pa'riba, turidito grandi di sapalo.
Serbete, sobre-cama, laken, panja di mesa na prijsnan drasticamente reduci.
Tambe nos muables ta bai na prijsnan especial: Camis, set di comedor y di dormitorio.
Pa cada cama compra durante e baratillo aki 1 (UN) taken di regalo.
Pa cada ROBE compra 12 (DIEZDOS) hangar como regalo.
TIRE DI AUTO dan tur lamanjo y di tur marca durante e baratillo aki pa solamente f. 17.50

Bo cas ta bo orgullo ora cu bo usa verf marca PIETER SCHOKEN. Tambe nos ta huur equipo di construcion na prijsnan favorabel.

Haci nos un bishita y lo bo sal satisfecho.

PETRONA & CROES

BO TAPE-RECORDER TA DEFECTO?

Nos ta drechele pa bo denter di 3 dia.

CASA ELECTRONICA

(Banda di Viana) - Tel. 5371

NOBO NOBO NOBO

Nassaustraat No. 34 (Schlachter)

A caha di jega tela diki cu no ta masha den tur color pa saya y bistir. Tela cuadra nobo. Seda borda pa bruidsniesjes, Katina Drip-dry cu disenjo nobo!

A V I S O

Comandante di mari-nierskazerne "Savanna" Aruba, ta duna di conoce cu diarazon 5 di september 1962 for di 07.00 or te 12.00 or lo tin ejercicio cu mortier riba terreno di California (Aruba). E terreno peligroso lo wor-du stipula pa bandera cora y borchinan di aviso. E terreno peligroso riba lomar lo ta 3000 metros for di costa.

E TRUPANAN CONGOLES NA KAMINA

LEOPOLDSTAD, 4 sept. — Un portavez di Nacionnan Uni na Leopoldstad a confirma cu trupanen di e gobierno central di Kongo a worde transporta cu avion pa e base Kamina den centro di Kaiana.

E unidad kongoles aqui ta adopta den e forma militar di Nacionnan Uni riba mesun base cu otro nacionalidadnan, asina e porta voz a bisa.

Gobierno Katangues a protesta ajera fuertemente cerca Nacionnan Uni contra yegada di e trupanen na e base.

BO PANJANAN LO NO HANJA NINGUN DANJO den un

EASY

WASMACHINE

ARUBA TRADING CO.

The All-Family Drink!

so pure ...
so good ...
so wholesome
for everyone!

.....

Nothing does it like Seven-Up!

AWOR NA ARUBA

bao licencia di

7-Up INTERNACIONAL

embotella pa e fabrica di refrescos mas grandi y mas moderno.

VICTORIA BOTTLING CO.

Agente exclusivo di 7-Up pa henter Antillas Neerlandes.

VERANO NA HULANDA

DEN HAAG, 4 sept. — Un siman despues cu temporada di futbol a cuminsa na Hulanda a cuminsa tambe e temporada cu tur hende ta bishita playa. En todo caso tur hende a probecha e fin di siman aki di solo y laman na playanan di Hulanda.

Hoek van Holland tabatin un dia di sole y un "vrijdag" bruto Hoek van Holland a atrae ayera mas di 100.000 antoe Sneeveningen tabatin hopi hende.

PRUEBA NUCLEAR BAO DI TERRA

WASHINGTON — Union Sovietica a haci un prueba nuclear bou di terra ayera mainta tempran.

JOHAN BONTEKOE a bira na Leipzig, Alemania Oriental campeon riba 400 meter "vrije slag" pa caballeru. Riba e foto: Despues di e homenahe Johan Bontekoe ta worde carga riba scouter pa su amigonan.

CISCO KID

ARUBA BOTTLING COMPANY

presenta pa cortesia di

2. "Dios mio!" "Seri! bo bocal!" 3. "Maldito..." El seconde tras di e palmas ey!"



AVENTURA DI OLLE

SELMA'S KAPSALON

presenta pa cortesia di

TEL. 2750 - TEL. 2434

Oerak ta siota ta warda cu ansia ariba Olle. "Y com a parabo, bo ta hania Bobo bek?" e ta puntra. "No nan no kier durami Bobo, pero un eskimo no ta perde su brio nunca." Olle ta bisa. "Y lagami bisabo un cos, cu Bobo si no ta bira un beir di circo." "Pero ta kiko bo ta bai haci?" Oerak ta puntra. Y nan ta bai den direccion di terra.



Awor ta duna su servicionan den Nassaustr. 109, banda di Refresqueria Ingrid. Pa clientenan di abbonement pa luna di f. 12.50 lo tin derecho riba un oiltreatment y massage di cabes GRATIS. Pa cada f. 25.— gasta na SELMA'S KAPSALON, e cliente ta ricibi un SORPRESA!!



CINCO Y SEIS

Resultado di e caredanan di dia 2 di september di 1962.

Cabainan ganador

PROMER CAREDA: Arauca (48 kilo) di preparador A. Mejia LL. cu jinete F. Garcia. Distancia 1600 metro. Tempo 101 2/5 sec.

DI DOS CAREDA: Bentella (48 kilo) di preparador Lau Padilla cu Felix Garcia. Distancia 1300 metro. Tempo 78 3/5 sec.

DI TRES CAREDA: Reading (51 kilo) di preparador A. Jacial cu jinete F. Gomez. Distancia 1800 metro. Tempo 113 4/5 sec.

DI CUATER CAREDA: Indio Bravo (53 kilo) di preparador F. Rodriguez V. cu jinete E. Urdaneta. Distancia 1700 metro. Tempo 107 4/5 sec.

DI CINCO CAREDA: Nunlands (48 kilo) di preparador R. Peraza cu jinete Angel Bracho. Distancia 1300 metro. Tempo 80 2/5 sec.

ULTIMO CAREDA: Baladi (52 kilo) di preparador F. Rodriguez V. cu jinete I. J. Ferrer. Distancia 1400 metro. Tempo 86 1/5 sec.

E resultado di e caredanan di 5 y 6 di ultimo Diadomingo a confirma nos opinion cu lo no tin mercado liber. E caredanan tabata mucho complicada pa por a spera un mercado liber. E ganador cu a ilumina un mercado liber ta Bentella den e segundo careda cu a paga pa concepto di ganador Bs. 61. Fuera esey ningun promer favorito di catedral a gana nan careda. Den e ganadornan tin tres segundo favorito. Nunlands ta un tercer favorito. Reading ta un cuarta y Bentella tin unicamente 2 punto den e concurso di favorito di Prensa y Radio. A bin resulta solamente 5 cuadro ganador di 6 cabai y 203 formulario ta ta gana 5 cabai. E ganadornan di 6 cabai por cobra Bs. 168.327.80. E cuadronan di 5 cabai ta haya cada uno Bs. 2.764. Tabatin sella e cantidad di 312.959 formulario pa un valor di Bs. 2.986.776.

Con e cabainan a corree?

PROMER CAREDA: Arauca, tercer favorito di Arubaanse Courant a resulta ganador di e promer careda cu mester a defende e careda contra La Coneja y Ganadero. E pupilo di Jacial a toca mala suerte como den e recta final e cabai a manear henter ora perdiendo asina su oportunidad visiblemente. La Coneja cu a haei un excelente careda no por a logra sino e tercer lugar tras di Ganadero cu a perde pa un nanishi cu Arauca. Talisman cu a sali ultimo por a recupera suficiente terreno pa ocupa di cuater puestu. Prendefuego a completa marcadur.



HASI MAS USO DI ELECTRICIDAD NA CAS !!

Tarea di oma di cas ta bira mucho mas suave y bida di amanan di cas ta bira mucho mas agradabel.



DICK TRACY pa cortesia di: CIGARIA ANTILLANA e cigar mas preferi

Cu filter y sin filter. Agente: J. H. (Yendi) Croes — Aurora Bar Tel. 1041.

1. „E tata di Ricks no ta preste e auto pa un luna despues di esaki!” „Mira!” 2. „Hey ta tres or y mei kiko ta bosonan idea!” „Mi amigo a susha su camisa y su mucha muher ta laba!” 4. „Okay, baya for di caminda mi no kier reporta bosonan.”



RIP KIRBY pa cortesia di: Jan Bodegom en Co (Aruba) N.V. TEL. 1284-1402

agente exclusivo di FRIESCHE VLAG lechi evaporado y lechi en polvo. MAXWELL HOUSE KOFFIE



1. Pa un ratu e mannan di Estela y Carter ta topa cu otro... 2. „Coge e trapico tene!” 3. „E... Bueno mi tin cu cambia...”

Flornan den Airaconditioning la mantene nan bunleza y fragancia mucho mas.

Abo tambe lo sinti bo mas anima, mas alegre y mas capaz contra preocupacionnan di tur dia, despues di un sonjo agradable den un cuarto aire-acondicionado.

Y e gastonan? Muchu mas barata di loke bo par imagina ba.... Ademas durante luna di september

AINDA ELMAR TA REGALA pa cada instalacion nobo di un aircó.

FLS. 50.-

Pa mas informacion jama
Oranjestad Tel. 2170
San Nicolas Tel. 5530

N.V. ELECTRICITEIT-MAATSCHAPPIJ „ARUBA”



Rita y cruza e meta cu un cabez dilanti di Rella cu a ocupa di dos lugar. Rita a yega di tres sigi pa Clizia e favorito di catedral. Nina Rubia compoente di llave 12 den cual Ronco-cas a keda retira a completa e marcadur.

CONFERENCIA DI PRENSA DI BEN BELLA

Vice prime minister argelino Mohammed Ben Bella, a bisa na un conferencia di prensa, cu e trupanen di distrito militar numero uno, cinco y seis, cu ta di caminda pa Argel, lo conquista e capital aki contra cualquier precio. El a bisa tocante e comando militar di distrito militar numero cuater, cu tin poder riba Argel, y tocante distrito militar numero tres, cu tambe ta contra Ben Bella; cu si nan trata di detenele, e lo usa violencia. Mi ta di opinion, cu nos tin derecho di haci esaki. Ben Bella a bisa tambe, cu e situacion na Argel, ta nifica un anarquia reorganisa, y cu e oficina politico no por laga esaki sigui asina. Segun Ben Bella e no por kere cu capital dje ciudad aki lo por keda den man di un distrito militar.

Ben Bella a bisa cu tabata e intencion di distrito militar numero cuater, pa forma un estado den un estado. El a bisa, cu distrito militar tin vigilancia riba tur e puestonan central na Argel, incluso radio y forza di polis. E comando militar na Argel, a cohe mercancias, cu tabata duna door di organisacionnan internacional di ayudo, y tabata destina pa Oran, constantine, y otro ciudadnan argelino. Ben Bella, a desmenti cu na Argelia nan ta trata pa kibra unidad.

AVISA DEN ARUBAANSE COURANT

DECLARACION DI OE THANT

NEW YORK, 4 sept. — Secretario general interino Oe Thant di Naciones Uni, a declara den su introduccion riba e rapport anual, cu e lo duna na e venidero sesion di asamblea general, cu ta cuminsa dia 18 di september proximo, que ta hanja e diferencia y separacion entre poder y ricu, mas peligroso y mas peligroso y mas serio, cu separacion di mundo, riba basenan ideologico.

Secretario general a bisa cu e intencionnan di Merca y Union Sovietica pa coopera hunto den espacio, ta duna

U.S. KEDS A GANA DEN WEGA DI PRESENTACION TAMBE

(Di nos redactor deportivo)
Dia Domingo pasa na Lago Sport Park e campeonato 1962 di Oranjestad Little League a keda oficialmente clausura. E partido di presentacion hunga entre e novena campeon U.S. Keds y e subcampeon O So Grape, a resulta den un convincente triunfo pa e equipo di U.S. Keds, cu asina a demonstra di ta verdadero campeon di Aruba. Cu anotacion di 10 carrera pa 2 nan a logra derrota e novena refresco U. S. Keds a colecta 6 hit y comete 2 error, mientras cu O So Grape a colecta 3 hit y comete 1 error. Pitcher ganador tabata Harold Hose y perdedor E. Chirino.

Tanto door di president di A.B.B.A. sr. Tico Kuiperi y door di president di Oranjestad Little League Sr. Morris Serphos a worde haci uso di palabara. Ambos a pone enfasis ariba e importancia di e campeonato infantil di baseball, mientras cu e president di O.L.L. a gradici tur cu den un forma of otro a contribui na haci e campeonato 1962 un exito.

Luego, ricibiendo tambe di e Reina di Deporte Sra. Maria Diaz palabranan di elogio y felicitacion, e diferen-

te ganadornan di trofeo y coponan a ricibi for di man di e Reina di Deporte loke a corresponde na nan.

Tur e clubnan participante a ricibi un diploma di Oranjestad Little League.

WINSTON A GANA ESTRELLA DEN 14 INNING DI INTERESANTE DUELO

(Di nos redactor deportivo)
E dos teamnan di baseball clase A procedente for di Sta. Cruz, esta Winston y Estrella a bolbe percuta pa un interesante partido. E partido cu den 12 inning biaha pasa mester a worde para debi na limite di tempo, e biaha aki a dura 14 inning prome cu un ganador a wordu dicidi.

Estrella a tuma ventaha di un carrera den e tercer inning, y tur cos tabata muestra cu Estrella lo a gana cu e score minimo aki ora cu e noveno inning a yega dos out a cai y ainda Winston no a logra su promer hit contra pitcher M. Maduro. E magnifico trabao di pitcher Maduro cu apenas e tabata falta un out pa a lanza un no-hitter, a worde danja door di un maj tiro di su tercera base ariba un

Amor scondi ta tempo perdi

pa: TUYUCHI
presenta pa cortesia di
HOLLANDSE BANKETBAKKERIJ
Oranjestad tel. 2796 — San Nicolas tel. 5478

E mehor adres pa Bolo y tur clase di pasa-baca.
Diariamente fresco.

No. 19

„Homer, e paranda ei ta bai costa un dimal!”
„Mi ta paga mi mes gastunan” Monica a responde.
„No, mi...”
„Ta kestion, bo quier forma entre nos dos?”
„Dios warda mi tres bez di mal-ora.”

Despues dic prome botter a bini un segundo. Aparentemente Monica a bebe formal. Sin embargo Hubert den su alegria a cuminsa bira ora pa ora canja.

Monica tabatin un traje bistir di color blauw cla cu tabata haci su figura masha atractiva.

El a pone su capa di tal manera riba su cabez cu tabata duna un aspecto di un dama di sociedad.

„Cu un mucha muhe asina mi por presenta tur camina”, Hubert tabata pensa den su mes. „Paquico lo mi no trata cu tene pa mi mes?”

„En realidad Monica tabata un bellez den tur sentido di palabra; y cualquier hombre no por pasa mire sin draai un biaha mas wak’e.”

I por ainda awor cu Hubert tabatin conviccion cu e no por a alcanza amor di Marcela mas, el a dicidi di no perde Monica mucho luef for bista. Ningun hende no por a mira den dje, cu e traje, zapato i demas cosnan aristocratico bisti cu e por tabata ecrian na cucuco. Mesos e por a nace den cualquier ciudad grandi. El a nace bao di un bon strea i e privilegio di naturaleza cu e ta un muhe asina bunita por pone e muhe aki bai hoyi leu den destino. I ta claro cu awor cu Hubert a sinja conoce, lo e no duna ni un chens cu otro hende.

Nan a bandona Cafe-Hotel i a sigui nan camina. Hubert a stop un taxi

AGENDA

Imprimi na N.V. Drukkerij „De Sted”
Theaterstraat 11, Willemstad
Edicion sufre abanico na 30 cent na:
Union Store, San Nicolas - Bookhandel
Marika, Oranjestad - y Cabana Shop

Edita pa:
N.V. ARUBAANSE DRUKKERIJ - EN
UITGEVERIJ - EN PUBLICITEITS B.I.
Nassaustraat 55 - Oranjestad, Aruba N.A.

ARUBAANSE COURANT
diariamente cu excepcion di
diadomingo.
Suscripcion 3.25 paga adelantado
Edicion sufre 30 ct.

Telefon
2116 Redaccion y suscripcion
1116 Directiva y anuncio
Directieurbesprekings: D. Wolff

WIT-GELE KRUIS
Oranjestad: Zr. Ewald
San Nicolas: Zr. Ludovic
Santa Cruz: Zr. Ludovic
Hospital San Pedro di Verona tel. 2204

PARTERA
Zr. Th. E. Gibbs, J.G. Emastraat 72
Oranjestad, tel. 1263

BOTICAN DI WARD
Oranjestad: BOTICA DEL PUEBLO, tel. 1253
San Nicolas: BOTICA CENTRAL, tel. 5006

POSTSLUITINGEN
Dinsdag

Angula — Antigua — Argentina
14.00, Bolivia 14.00, Bonaire 10.00, Bra-
silia 14.00, Br. Guiana — Canada
Canal Zone — Chile 14.00, COLOMBIA
Barranquilla 15.00, Bogota 15.00, Costa
Rica — Cuba — Curacao 10.00—
16.00, Ecuador 14.00, El Salvador
EUROPA (Asia-Africa) 10.00—15.30, Fr
Guiana — Guatemala — Guatemala
— Haiti — Honduras — Br.
Honduras — Jamaica — Martinique
— Mexico — Montserrat —
U.S.A. Miami Fla. — (Asia-Africa-Aus-
tralia) New York — New Orleans, La.
— Nevis — Nicaragua — Pana-
ma — Paraguay 14.00, Peru 14.00—
ma — Rep. Dominicana — Sa-
nto Domingo — St. Martin enz. — Sa-
nto Domingo — Trinidad enz. — Uruguay
14.00, VENEZUELA: Caracas enz. 15.00,
Maracaibo — Venezuela — Venezuela
Atencion: Cerracion di pizanan certifi-
ca ta un ora prome cu di post.

roletazo di Crismo Angela. E error
aki a permiti Angela bai te segunda
for di unda el a anota empua door
di un hit di Yonko Albers. E carrera
aki a empata e wega na un carrera y
a exigí extra inning.

Den inning number 14 porfin e
ganador ta worde dicidi ora cu Colai
Carolina ta anota door di un squeeze-
play cu un toke di Crismo Angela.
Eynan e partido a keda dicidi cu
score di 2 pa 1 den favor di Winston.
Pitcher ganador tabata Yonko Al-
bers. Kende a permiti cuatro hit y un
carrera, mientras cu M. Maduro a per-
de permitiendole tres hit y dos carre-
ra. Ambos equipo a comete tres error.
Sin duda algun tabata e mior parti-
do e anja aki den e campeonato cla-
se A.

DON BOSCO 11 COCOMALT O

(Di nos redactor deportivo)
Cu score di 11 carrera pa 0 Don
Bosco a vaula Cocomalt. E ganador
nan a conecta 10 hit y hunga sin
error, mientras cu e perdedornan a
conecta apenas un hit y a comete cua-
tro error. Pitcher ganador tabata A.
Briezen, kende a poncha 13 contrar-
io y regala 1 base por bola i permiti
un solo hit. Pitcher perdedor tabata
H. Croes.

RADIO VICTORIA

Diamars 4 di september 1962

9.00 Apertura
9.05 Ultimas Noticias
9.15 E. Bibbel Habri
9.30 Gimnasia
10.00 World News
10.10 Hymn of the Day
10.15 Radio News
10.45 Thought on Home
11.00 Series of Great Christians
11.15 Canticos de E. Evangelio
11.30 Melodias Di Merdia
12.00 Ultimas Noticias
12.15 Musica Sagrada
12.30 World News
12.45 Quiet Time
1.00 Radio Concert Hall
2.00 Reading Room
2.15 Songs of Zion
2.30 Quiet Hour
2.45 Encuentro Musicales
3.15 Melodias Del Alma
3.30 Adelante Juventud
4.00 Musica Di Banda
4.15 Ultimas Noticias
4.30 Muchanan Pa Cristo
4.45 Noticias Espasol
5.00 Academia Del Aire
5.15 Palabranan Di Bida
5.30 Musica Para La Cena
6.00 Ultimas Noticias
6.30 Claritas A La Juventud
6.45 Noticias Nuevas
7.00 Music You Can Understand
7.30 Children's Corner
8.00 World News
8.15 Off the Record
8.30 Back to the Bible
9.00 Musica de Guitars
9.30 Bible Time
10.00 World News
10.05 Klassieke Muziek
11.00 Sign Off

RADIO KELKBOOM

Diamars 4 di september 1962

8.00 Opening
8.02 Selectas Musical cu disconan Latino-
Americano
8.30 Cumpleaños Feliz
9.00 Programa Peticion Musical pa
Telefon
10.00 Ritmos Latinos
10.30 Programa di Nici Habibi Jr.
11.00 Musica Norte-Americana
11.15 Musica Antillana
11.30 Musica Varia
11.45 Noticias Local na papiamento
12.00 Nieuws in het Nederlands
12.05 Musica Local na papiamento
12.15 News in a Nutshell (Viana)
1.00 Musica Varia
1.30 Noi ora cu Bolero
2.00 Repetition (Phillips Juke Box)
2.30 Melodias Instrumental
3.00 Programa cu Ritmo di Cha-Cha-Cha
3.15 Twi
3.30 Programa di La Esperanza
4.00 Musica cu Sabor Azteca
4.30 Noticias Polideportivo
4.45 Cocktail Musical
5.00 Danzones Cubanos
5.30 Musica de Guitars y Composicion Antillana
9.30 Musica Varia
10.00 Clausura.

RADIO CARACAS TELEVISION

Martes 4 de septiembre de 1962

6.00 Show de Renny
7.30 Banco Union
8.00 El observador Cresce
8.15 Su novela: Gentes de Yucay
8.35 Patron de Radio Caracas Television
8.57 Informacion sobre los progr. del dia
9.00 Documentales
9.30 Senderos lus
10.00 El calendario de mama
10.30 Cosas de Mujeres
11.15 Club Cinematografico
11.30 La Perfecta Ama de Casa
12.00 La C.V.I.R. TV informa a la nacio
12.05 Televisión F.A.B.
12.25 El Show de Saume
1.35 El Imparcial Television
2.00 Punto y aparte
2.30 Club Panamericano
3.00 Estudio de Hector Monverde
3.30 Telefantasia
4.20 Club de los Niños
5.30 Cine-Variedades Yucay
8.30 David Niven en T.V.
8.50 La novela Camay
10.30 Cine premas
12.00 Informacion sobre los Programas a
Magana
5.15 Musica Varia
5.30 Un programa cu musica Popular
7.00 Noticias International na papiamento
8.45 Voorlichting (Rekering)
9.15 Cultivos
9.30 Dinner Music
9.40 Noticia Deportivo (Gillette)
9.50 Musica Europea
7.15 Nieuws in het Nederlands (Mercurius)
8.00 Musica Norte-Americana
8.15 Novela (Estrellita)
8.30 Musica Varia

mucho bon, pasobra el a hese mas
tantu binja cu tabata bon pa su stoma.
Fuera de bez en cuando un cognac.
E no ta masha amigie di alcohol i ta
pesei esqui ta haci impresion riba
dje. Monica tambe a bebe hopi pero
mas tantu limonade i cos dushi.

Si Hubert su cabez tabata bruha,
esun di Monica tabata bon-hon. Su
plan tabata huntu trabu, pasobra co-
ta lo que costare lo e quita Hubert
su sintir completamente for Marcela
pa e casa cune.

Durante e viaje Monica a larga su
cabez sosesga contra skouder di Hu-
bert. Pero esaki tabata sinti wowo
cerra ta cabisha i no tabata sinti nada
mes.

Te ora cu e auto a stop dilanti di
Cafe-Hotel Hubert a bin spierta, el
a paga e taxi i jama Monica bono-
chi pa e sigui pa su mes hotel.

Ora cu Hubert a bini na su mes
trobe el a bisa Monica cu majan tra-
merdia pa 3'or e mester ta cerca su
tiro i Monica, diestra manera semper
a combida Hubert pa e bai come eue
merdia na Hotel.

Ta claro cu Hubert no tabatin na-
da contra...

Nan tur dos tabata sinti como si
fuera ta senannan eaba nan tabata
den compania di otro.

„Pasa bon anochi anto, Monica.”
„Bonochi Hubert i no sonja muchu
cu e mucha muhenan di Moulin-
Rouge.”

„Escinan?... Mi amigo.... Enfin,
bonochi.”

Pero prome cu Hubert por a retira
el a sinti e mucha muhe su brazu rond
di su garganta i su lipnan riba esnan
di dje. Su sunchi tabata mas ardiente
cu tur loke Hubert a bebe e anochi
ei. Tabata manera e sunchi ei a pone
dispierta por completo i pone mira
awor ela-ela. Hubert a jega wel di
hanja sunchi di mucha muhe, pero cu
un mucha muhe a sunchi bo voluntari-
mente, e sierte ei nunca ainda e no
tabatin.

„Mi ta stima bo, Hubert”, el a bisa
apasiona; „mi tabata sabi esei for
momento cu mi a mira bo.... mi ta
stima bo masha tanto...”

Pero unbez manera el a hanja avor-
sion di dje, el a stoot e mucha muhe
poco poco for di e a bise:

„Ayó, Monica, te majan. B'a bebo
awe mas tantu cu tabata bon pa bo
sintir.”

E mucha muhe a queda ta mire,
pero va e hoben a disparee baj den
señalida.



Remitido

(Fuera responsabilidad de redacción)

Señor Redactor
Arubaanse Courant
Señor Redactor, permítame un espacio den bo contante tan lesa pa mi publica lo siguiente:

BOXEO NA ARUBA

Hopi biahu mi ta puntra mi mes: Ta con por ta cu un sport tanto gusta i popular aki na Aruba, por a para cabu completamente asina, sin cu a keda ningun trazo di dje.

Esnan cu tabata dirigie, a jerde intere completamente den dje, sin a corda e pugilismo cu nan a laga keda atras, of e amante nan di boxeo, cu te ainda tin tanto aki na Aruba.

Awor un boxeador di Aruba, si e kier un pelea, e tin cu pidi un limosna te na Corsow, si e por haja un pelea siendo cu Aruba tabata e prome centro di boxeo di Antillas. Esei lo por ta husto???

Ademas semper e boxeador nan di Aruba semper a pofe cu nan ta superior na es nan di Corsow, no ta berdad??

Anto kiko Comision di Boxeo ta hasi tocante esei?? nada, absolutamente nada.

Awor cu tin otro cu ta interesa den boxeo, i kier cuminsé di nobo, Comision kier tene nan abow i no kier duna nan un licencia.

Cu anhelu Comision di boxeo ta worde suplica. No kere cu pasobra boso no ta gusta e sport ey, otro no por siguir, pasobra boso no kier.

Corda cu e ta un sport interesante, i gusta tur parti di mundo. Pakico Aruba tambe no por participa aden? No sea egoista, tene comision cu e amante nan di Boxeo, si boso no ta gusta e sport, hala un banda, i duna chens na es nan cu ta gusta.

Señor Redactor masja danki pa e espacio concedi.

Un amante di Boxeo 100%.

Firma VICTOR SILIE

Nota di nos red. deportivo :

E apreciado remitente ya cuminsa mencionando cu deporte di boxeo ta tanto gusta y popular na Aruba. Nos no ta tanto sigur asina cu ta e caso TE AINDA ya cu programanan cu a worde poni ultimamente no a goza di publico. Door di esaki e promotor nan no a worde stimula pa continuu trabao di organisa programa boxistico. Sin duda algun ta un lastima grandi cu e deporte di defensa propio a decae tanto asina na nos isla. Anjanan anterior programanan di boxeo tabata yena Swingster's Square Garden. Y nos por bisa cu hopi bon pelea a worde brinda den e stadion boxistico di nos isla na San Nicolas.

Sin duda algun e motibonan cu a trese e decadencia aki ta diferente. E situacion economico di e publico, e cambianan repentino den economia, e falta di seriedad di parti di diferente boxeador y tambe tin biahu di parti di e promotor nan ta algun di e motibonan cu a resulta den un decadencia di e deporte.

Cu na Aruba semper boxeador nan tabata superior na esnan di Corsow, ta algo den cual e apreciado remitente tin 100% razon. Corsow for di tempo cu Aruba su boxeo a decae a cuminsa ta pone mas y mas programa, pero ainda nan no a logra produci pugilistanan di e caliberan di Sugar Boy Nando, Battling Siki, Kid Fenton, El Tigre, Rey Franken, Aruban Chocolate etc. etc.

Tocante di e punto di Comision di Boxeo di Aruba, nos no ta di acuerdo cu e remitente. E trabao di e Comision aki ta supervisa boxeo, es decir nan tin di tene vista ariba e programa.

manan, riba e matchmaking, esta cu e rivalnan ta mas o menos di mes caliber, mes peso, petura, pa e boxeador nan ta worde exhorta door di e dokter nombra door di Comision, cu nan ta worde pisa prome cu pelea, y diferente trabao mas di supervision. No ta trabao di Comision pa organisa pelea.

Segun informacion obteni cerca tanto president di Comision Sr. Berge como e secretario Sr. Boezem, Comision di Boxeo di Aruba no a ricibi ningun peticion pa un licencia di promotor. Asina ta cu nan no a nenga ningun pa siguir varios anja caba. Si un boxeador a busca informacionnan ta kiko ta e pasonan cu mester worde tuma pa yega na un licencia di promotor. Despues cu el a hanta splicacion, el a worde adverti si e mes lo na por actua como boxeador den e programanan cu e organisa. Esaki ta algo cu e reglamentonan di Aruba Boxing Commission no ta permiti bato ningun circunstancia.

Y ta logico tambe ya cu hopi troebel por worde causa si un boxeador mes ta promotor di su mes pelea.


Un peticion oficial pa un licencia no a worde ricibi nunca door di e Comision, segun e informacionnan suministr na nos.

Alavez nos a worde informa cu si e boxeador ey kier bira promotor lo no por tin nada contra. E unico cu lo no ta posibel ta pa e mes box den su programanan.

Personanan cu ke organisa pelea mester tin permiso di hefe di polis pa eumuniza y e ora ey lo hanta un licencia di promotor cerca Aruba Boxing Commission.

Na Aruba tin suficiente material boxistico pa un programa suficiente atractivo worde brinda. Nos ta kere cu un promotor lo mester cuminsa cu programanan chikito, menos costoso pa eumuniza hata atencion di e publico ariba e deporte di boxeo atrobe. Ta di spera cu pronto nos lo por anuncia cu tin un promotor cu ta interesa den haci algo pa trata di freee boxeo na bida atrobe na Aruba.

Esaki ta e Mariner II Americano, e raket espacial cu ta na camina pa Venus. E portret a ser saca na momento cu a caba di pone di ultimo man na e aparatura masha complica dje nave espacial aqul. Nos ta mira cla riba e portret aqul un "ala di solo" cu ta converti e energia di solo den electricidad riba cual e instrumentonan ta traha. E pintura ta duna bo un idea dje diferente posiconnan cu e alanan di solo por tuma.



INVENTOR DI RADAR A MURI

Den e estado mericano New Jersey a muri ayera na edad di 87 anja coronel William Blair, inventor di Radar na Merca.

Coronel Blair a haci su invento na anja 1937, tempo cu e tabata director di e laboratorio pa serviconan di comunicacion di ejercito mericano.

KATANGA TA ACEPTA PLAN DI OE THANT

ELISABETHSTAD, 4 sept. — Gobierno di Katanga a participa, cu e ta acepta e plan pa reconciliacion nacional kongoles.

E TEMPESTAD NA HONG KONG

HONG KONG, 4 sept. — Door di e tempestad Wanda, cu a azota Hong Kong y vecindario diasabra, 97 persona a muri segun e datonan cu ta disponible te awor aki.

Corantnan local ta di opinion cu e cifra final di e cantidad di mortonan lo alcansa 200.

Tin por lo menos 40.000 hende sin cas.

Segun e prome cifranan oficial 128 hende a muri na e tempestad cu a pasa diasabra riba e lugar. E cifra final di cantidad di mortonan lo ta muchu mas altu. Nan ta calcula den e ruinan di e casnan destrui y den e botonan chiqui cu a sink den haf di Hong Kong, nan lo haya hopi morto.

HABITANTENAN DI ALEMANIA ORIENTAL TA PIDI ASILO

Seis piscado di Alemania Oriental, kendenan durante un recien tempestad a busca refugio den hafnan di Dinamarca a pidi Dinamarca asilo. Cuater di nan a bisa cu nan ta desea di bai Alemania Occidental.

CAMBIO DI WARDA NA MONUMENTO RUSO

BERLIN, 4 sept. — A pesar di participacion di e comandantenan militar di occidente na Berlin na e autoridadnan di Union Sovietica, cu e soldanan

cu ta bini West Berlin pa cambia warda na e monumento ruso di guerra no tin mag di pasa mas via di e post "Charlie" tog e soldanan ruso a pasa di ceynan.

Despues di dos minut cu nan a controla e truck ruso y despues cu interprete mericano a bini pa sigui e conversacion di e oficial ruso cu tabata sera e truck, e truck a sigui den direccion di e monumento.

E GUARDIA NA E LIGA ARABE

CAIRO, 4 sept. — Secretario general di Liga Arabe, Hassouna, a bisa ayera cu e Republica Arabe Uni, na a sali for di Liga Arabe. El a bisa cu Libanon ta conferencia tocante un problema entre Republica Arabe Uni y otro micmbonan. Hassouna, a bisa cu e ta optimista tocante futuro dje Liga y a contradike noticianan, segun cual, e kier retira ora cu Republica Arabe Uni sali for dje Liga.

E PRUEBA NUCLEAR Y E TEMBLOR

NEW YORK — Dr. Joseph Lynch, director di e instituto seismológico di e universidad di Fordham na Merca a declara, cu ta imposible cu e prueba nuclear cu Rusia a hiel ayera y e temblor cu tabatin na Persia tin algo di ber cu otro. Den cierto circulan mericano nan a papia tocante e posible relacion entre e dos sucesonan. Dr. Lynch a bisa, cu e forza di e explosion nuclear tabata muchu poco pa causa un temblor. Dr. Perry Byerly di e universidad di California y dr Gary Mille di un observatorio na Boston tabatin mes opinion.

SINDICATO BRITANICO

BLACKPOOL, 4 sept. — Nan a ricibi na congreso anual dje sindicato Britanico na Blackpool, pa haci un investigacion na estructura dje organizacion, cu e fin pa haciele mas miho pa relacionnan moderno. E investigacion aki lo dura un anja.

E sindicato, tin mas di ocho mil miembro. Secreario general dje sindicato di personal di postkantor y telefon, a anuncia, cu solamente 50 por ciento dje obreronan ta miembro dje sindicato.

LANSAMENTO RUSO A FRACASA

WASHINGTON, 3 sept. — Un portaboz di e oficina Mericano pa avio-cion y vuglonan den espacio a duna un confirmacion di noticianan segun cual siman pasa diasabra Union Sovietica a haci un intento fracasa pa lansa un satellite den direccion di e planeta Venus.

E prome noticianan tocante e fracaso Ruso a bini di personanan autorisa, quendenan no tabata quier, pa yama nan portaboz. E portaboz di e oficina Mericano a duna como comentario:

"E noticia ta di acuerdo cu nos da tonan".

Segun e noticia aqul tin tres parti di e raket, cu mester a manda e satellite pa Venus, ta circula rond mundo. Manera ya tabata anuncia Union Sovietica for di februari di anja pasa a trata pa manda un satellite Venus. E satellite aqul berdaderamente a yega te cerca Venus y a pasa e planeta riba un distancia di 99.000, pero e cientificonan Ruso no por a saca ningun provecho for di e lansamentu aqul ya e instalacion di radio di e satellite a stop di funciona despues di 18 dia.

Manera ta conoci Merca si a lansa un satellite dialuna pa Venus y cu exito. Mas o menos medio december e satellite mester pasa Venus riba un distancia di 16.000 kilometer.

MONUMENTO RUSO NA BERLIN

BERLIN, 4 sept. — Segun fuentenan generalmente bon na altura na West Berlin y tres comandantenan militar di occidente na Berlin a laga Union Sovietica sa, cu e soldanan cu ta bini pa troca warda na e monumento ruso di guerra na West Berlin en lo futuro no tin mag di pasa mas na e post "Charlie" na frontera, cu a worde pone disponible door di autoridadnan di Alemania Oriental exclusivamente pa estranheronan, pero di e post na "Brandenburger Poort" of na Sandkrug.

PRINCESA SORAYA

MUENCHEN, 4 sept. — Ex-esposa di Siah di Persia, princesa Soraya, suspende su compromiso cu e industrial rico di Alemania occidental, Gunter Sachs, cu bista riba e terremoto na Persia, asina mama di princesa Soraya, princesa Eva Esfandiary a bisa na periodistanan.

Princesa Soraya tabata pa compromete cu Sachs diasabra nochi, pero ora cu nan a anuncia e terremoto na Persia, el a cambia inmediatamente di idea, asina e princesa mama a declara. Princesa Soraya ta di opinion, cu circunstancianan ak no por tin ningun paso importante den su bida priva.

AGENCIA DI PRENSA DI SUR-VIETNAM

SAIGON, 4 sept. — E agencia di prensa di Sur-Vietnam a anuncia cu forsan di gobierno ayera a mata 116 soldado di Vietcong durante un combate cu un batalion di guerrilleronan comunista.

E trupanen di gobierno a rondona e soldanan di Vietcong mientras cu nan tabata celebra independencia di Vietcong, asina e agencia di prensa ta bisa. Parce cu entre trupanen di gobierno tabatin un morto y 14 herido.

GOBIERNO CHANES

ACCRA, 4 sept. — Krobo Edooei, minister Ghanaes, cu a sali e anja aki for dje gobierno, despues dje kuestion dje compra di oro cu su casa a compra, a worde nombra door di president Nkrumah minister di Agricultura.

Abayana, cu tabata minister di Agricultura, a hanta carera di informacion. E ta sucesor di Adamafio cu nan a aresta siman pasa.

Segun un anuncio dje oficina dje president, Nkrumah mes lo tin e ministerio di Exterior. Esaki en relacion cu arestacion di Ako Adjei. Edooei, quende nan a critica, ta worde considera como e hombre fuerte di Ghana, y riba quende president tin confianza den caso di un crisis. Tambe Kaav Swanzo a bira fiscal. E ta den lugar di Mills Odoj cu diasabra corte supremo a nombra juez.

AVION A CAI NA HAPON

TOKIO, 4 sept. — Un avion dje forza aerea di Hapon a explota y a cai riba e pueblo Amami Oshima, den noord dje provincia Hapon Okinawa.

E 12 ocupantenan a muri y tambe un cantidad grandi dje habitantenan dje pueblo ta herida. Y tambe mas di 26 cas a pega candela, despues cu e avion cu tabata na vlam a cai.

CASAMENTU DI SOPHIA LOREN

CIUDAD DE MEJICO, 4 sept. — E corte di justicia na Ciudad de Mejico a declara e casamentu entre e artista Italiano di cine Sophia Loren y e productor di pelicula, Panji, cu nan a sera dia 17 di september 1957 ilegal. Segun un juez e casamentu aki no ta registra, y tampoco tin firma di testigonan. Na Italia nan a acusa e pareja di bigamia.

ARIES
11 Maart — 20 April



Ta exigi un proceder objetivo ora cu bo quier tin ventaja di contacto cu personanan interesante.

TAURUS
21 April — 20 Mei



Aspectonan actual ta duna algo serio na bo asuntunan. Bo por spera yamada na telefon.

GEMINI
21 Mei — 20 Juni



Si bo quier bai dilan den nombracion of si bo tin mester di ayu di financiero, awe ta bo dia.

CANCER
21 Juni — 22 Juli



Meher bo queda awe un poco reserva i larga iniciativa pa otro nan. Seucha mas i papia menos.

LEO
23 Juli — 22 Augustus



Sublime aspectonan pa hobby i pa cosnan pegafina bo curazon. Solicitud i discusionnan ta bao di bon signo.

VIRGO
23 Augustus — 22 September




Awe tin hopi cos di haci, pues dedica tur bo atencion na trabao i debernan.

LIBRA
23 September — 22 October



Trata pa bo ven- ce tur dificultadnan.

SCORPIO
23 October — 22 November



Tantu di dia como anochi ta favorable pa realiza asuntunan interesante.

SAGITARIUS
23 November — 21 December



Aspectonan modifca ta trece dilan negoshi, fiancia i comercio. Bo tin chens awor riba exito.

CAPRICORNUS
22 December — 19 Januari



E tempo di actividad ta ser aumentan; pone bo koudernan bao di tur loque bo ta bai haci.

ACUARIUS
20 Januari — 18 Februari



Bo ta mira un manera pa bo salba foi problemanan. Lo bo ricibi hopi apoyo di famia i partnernan.

PISCES
19 Februari — 20 Maart




Amigunan ta hunga awor un papel importante den bo bida i lo yuda bo ora cu bo contanan bo opia.

BUCHI ROBEZ

presenta pa cortesio di: REFRESQUERIA INGRID Tel. 1849

★ e mehor adres pa snacks, tur clase di dushi, softdrinks, ice-cream y revistas



PEPITA

pa cortesio di: Antillian Hardware Co
Bo mehor adres pa HERMENT, Y TUR MATERIAL DI CONSTRUCCION!

1. "Lorenzo a bolbe jega laat awe." "Atrobe!" 2. "Bo ta wordu ontslagen, Lorenzo!" 3. "Bo no ta ontslagen, Lorenzo..." 4. "Mi ta gusta mira con bo ta reacciona ora cu mi ontslag bo!"

